

**SANATITSISOQ  
AKISUSSAAFFIIT  
EQQAAMAJUK**



**SANATITSISOQ**

**Sullivinnik Nakkutilliisoqarfik**

# SANAARTORNIKKUT suliaqarnermi sulisitsisut marluk arlaqarnerusulluunniit sanaartorfimmi ataatsimi ataatsikkut inunnik qulinit amerlanernik sulisoqartillugit sanatitsisoq makkuningga akisussaaffeqarpoq

Suliassaq aallartinneqartinnagu suliaasaqarfinni ataatsimoorussani sulisitsisut ataasiakkaat suliassaannik **KILLILIINISSAMUT** akisussaaffeqarneq.

Sanaartorfik pilersinneqartinnagu **ISUMANNAATSUUNIS-SAMUT PEQGISSUUNIS-SAMULLU PILERSAARU-SIORNISSAMUT** akisussaaffeqarneq.

Suliat ingerlanneqartillugit suliaasaqarfinni ataatsimoorussani isumannaallisaanerup peqqissuunissallu **ATAQATIGISSAARNEQARNISSAANNUT** akisussaaffeqarneq. Tamanna ilaatigut pisassaaq ullut 14-inngornerit tamaasa isumannaallisaaneq pillugu ataatsimiitarnertigut sanaartorfimmilu inuttut nammineq attaveqarinnikkut.

Sanatitsisup suliassat inunniit suliffeqarfinnulluunniit allanut isumagisassanngortissinnaavai, sanatitsisorli nakkutilliisoqarfimmut atatillugu akisussaaffeqartuaannassaaq.

Tamatuma saniatigut sanaartornerup annertussusaa apequtaatinnagu suliassat isumannaallisaanikkut peqqissuunisakkullu tamakkiisumik illersorneqarsinnaasumik sulisitsisumit ingerlanneqarsinnaanisannut sanatitsisoq suleqataassaaq.

**ATAQATIGISSAARISUMIK**, sanaartornerup iluani makkuningga piginnaaneqareersussamik, toqqaanissamut akisussaaffeqarneq:

- Paasisimasalittut immikkut ilisimasaqarneq
- Sulisitsinermik misilittagaqarneq
- Apeqqutinik isumannaallisaanermut peqqissuunissamullu tunngasunik pisariaqartumik ilisimasaqarneq
- Suliffimmi isumannaallisaaneq pillugu ilinniagaqarsimaney

Sanatitsinermi Sullivinnik Nakkutilliisoqarfimmut **NALUNAARUTIGINNINNISSAMUT** akisussaaffeqarneq:

- Inuit ikinnerpaamik 20-t ataatsikkut ulluni 30-ni sulisorineqartillugit, imaluunniit
- Suliassat inuup ataatsip ulluni 500-ni suliasaanit annertunruppata.



Sullivinnik Nakkutilliisoqarfik